



673
676

Broj: 11-05-18470-1/18
Sarajevo, 8.5.2018. godine

SKUPŠTINA KANTONA SARAJEVO
n/r Ane Babić, predsjedateljica Skupštine Kantona Sarajevo
- ovdje-

POSLANIČKO PITANJE

09-05-2018

Na 41. Radnoj sjednici Skupštine Kantona Sarajevo, održanoj 24.4.2018. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnik Mario Vukasović je postavio zastupničko pitanje, koje glasi: „Molim vas da me informišete u kojoj fazi se nalazi proces izrade plana upisa u srednje škole za narednu školsku godinu, te koji su kriteriji koji će se koristiti pri određivanju broja odjeljenja za pojedine škole?“

ODGOVOR

U skladu sa čl. 72. 73. i 74. Zakona o srednjem obrazovanju („Službene novine Kantona Sarajevo“, broj: 23/17), je definiran način sticanja statusa učenika u srednjoj školi, kao i uvjeti za upis u prvi razred srednje škole.

U članu 73., stav 2., tačka b. i stav 3. Zakona je navedeno, između ostalog, da konkurs za upis redovnih učenika u prvi razred srednje škole kao javne ustanove sadrži konačan broj kandidata po školama i zanimanjima i kriterije za upis.

Vlada Kantona Sarajevo, na prijedlog Ministarstva za obrazovanje, nauku i mlade, utvrđuje spomenute kriterije za upis učenika u prvi razred srednje škole i konačan broj kandidata po školama i zanimanjima.

Koristimo se prilikom da Vas informiramo da je Vlada Kantona Sarajevo za školsku 2017/2018. godinu donijela Odluku sa kriterijima za prijem učenika u prvi razred srednjih škola Kantona Sarajevo („Službene novine Kantona Sarajevo“, broj: 21/17), na osnovu koje je izvršen upis učenika u prvi razred srednjih škola u školskoj 2017/2018. godini.

U toku su aktivnosti na izradi spomenutih kriterija za upis učenika u prvi razred srednjih škola u školskoj 2018/2019. godini, koji će na prijedlog ovog ministarstva, donijeti Vlada Kantona Sarajevo.

Jedan od osnovnih kriterija za donošenja Plan upisa učenika predstavlja broj učenika koji završavaju 9. razred osnovne škole u Kantonu Sarajevo, kao i pregled stanja nezaposlenih osoba sa završenom srednjom školom i stečenom srednjom stručnom spremom 3. i 4. stepena – završena srednja škola u trogodišnjem i četverogodišnjem trajanju, koje svake godine ovom ministarstvu dostavlja JU „Služba za zapošljavanje Kantona Sarajevo“.

Takođe, Ministarstvo za obrazovanje, nauku i mlade, u skladu sa brojem učenika koji završavaju 9. razred, svake godine od direktora srednjih škola zatraži dostavljanje prijedloga plana upisa učenika u prvi razred srednjih škola na području Kantona Sarajevo.

Nakon što dobije prijedloge od zainteresiranih struktura kao i informacije u vezi sa deficitarnim i suficitarnim zanimanjima na području Kantona Sarajevo, ovo ministarstvo sačinji prijedlog Plana



upisa učenika kao i prijedlog Odluke sa kriterijima za prijem učenika u prvi razred srednjih škola, koje donosi Vlada Kantona Sarajevo.

U prethodne dvije godine, ovo ministarstvo je stipendiralo određeni broj učenika koja se upisuju u prvi razred škole na deficitarna zanimanja u trogodišnjem trajanju, čime smo postigli popunjenost na zanimanja trećeg stepena u maksimalnom procentu.

U školskoj 2016/2017. godini su dodijeljene stipendije za 154 učenika u ukupnom iznosu od 154.000 KM.

Stipendije su dodijeljene učenicima u sljedećim srednjim školama i za navedena zanimanja:

1. Srednja škola za okoliš i drveni dizajn (rasadničar i stolar)
2. Srednja građevinsko-geodetska škola (moler-farbar i keramičar-podopolagač)
3. Željeznički školski centar (mehaničar šinskih vozila i zavarivač)
4. Srednja škola metalnih zanimanja (operator na CNC mašinama i limar)
5. Srednjoškolski centar „Nedžad Ibrišimović“ Ilijaš (zavarivač)
6. Srednja škola za saobraćaj i komunikacije (rukovalac građevinskih i pretovarnih mašina i autolakirer)
7. Srednjoškolski centar Hadžići (plinski i vodoinstalater i stolar)
8. Srednja škola za tekstil, kožu i dizajn (obučar)
9. Srednjoškolski centar Vogošća (operator na CNC mašinama i bravar)
10. Elektrotehnička škola za energetiku (elektromehaničar i elektroenergetičar)
11. Srednja škola poljoprivrede, prehrane, veterine i uslužnih djelatnosti (mesar i mljekar).

Za školsku 2017/2018. godinu je takođe izvršena procedura za dodjelu stupendija za deficitarna zanimanja.

Odobrena su sredstva u iznosu od 105.000 KM za ovu namjenu i učenici koji su upisani u prvi razred istih srednjih stručnih škola kao i prethodne godine, su imali pravo apliciranja za dobijanje stipendije i na ovaj način je stipendirano 105 učenika.

Takođe, ističemo da je novi sistem apliciranja za upis u prvi razred srednjih škola koji se primjenjuje u Katonu Sarajevo od školske 2017/2018. godine –online sistem, u značajnoj mjeri uticao na povećan upis učenika na zanimanja 3. stepena i popunjavanje svih predviđenih mjesta na zanimanja 3. stepena nakon završenog drugog konkursnog roka.

Namjera ovog ministarstva je dalje unapređenje stanja kada je u pitanju navedena premdetna problematika, s osnovnim ciljem –konkurnetnost na tržištu rada učenika nakon završetka srednje škole.

S poštovanjem,

